

In
Ambiguarum Legum
Interpretatio-
ne Criterium Ve-
ritatis non dari,

OCCASIONE

L. Siunquam VIII. Cod. de Revoc. Donat.

Ostendunt



PRAESES

G. MICHAEL HEBERUS,
D. & P.P. Collegiorumque Juridicorum,
quae Vitembergae sunt, Assessor,

ET

RESPONDENS

AUGUSTINUS HANCKELIUS,
Torgensis,

Ad diem 20. Novembr. in Auditorio JCtorum.

VITEMBERGÆ,


Literis GERDESIANIS, A. cl3 lccc.



Q. B. V. D.

L. Si unquam. VIII. Cod. de
Revoc. Donat.

*Idem AA. (i.e. Constantinus & Constantius,
seu ut mavult Jac. Godofred. in Comm.
Cod. Theodos. ad hanc L. solus Constan-
tius;) ad Orphitum. P. P. seu ad P. U. uti
Godofredus d. loc. legit.*

 unquam libertis Patronus filios non
habens bona omnia vel partem ali-
quam facultatum fuerit donatione
largitus, & postea susceperit liberos, totum,
quicquid fuerat largitus, revertatur, in ejus-
dem donatoris arbitrio & ditione Mansurum.
Dat. V. Kal. April. Arbitrione & Lolliano
Conss. 355.

§. I.

Qui latinæ lingvæ non ignari, legere, aut ab aliis lecta auribus percipere possunt, Legem hanc de Patrono donatore & Liberto Donatario loqui intelligunt. De eo dubitatur, Utrum Beneficium hac Lege Donatori tributum, facultas nempe revocandi res donatas, ad omnes in universum donatores, qui, cum liberos non haberent, donarunt, postea vero liberos susceperunt, pertineat, an vero solis Patronis tanquam jus aliquod singulare concessum, debeat existimari? Hic mira est inter Interpretes dissensio, aliis Ajentem, Negantem aliis sententiam tuentibus, ut haud facile naturalis ad dissentendum facilitatis exemplum magis appositum occurrat. Commune hoc Beneficium omnibus Donatoribus sive Patronis, sive extraneis faciunt, ex Recentioribus Fachinæus, Tuldenus, Hahnus, Zæsius, Lauterbachius. Contra ea ad solos Patronos id aptandum esse, Connamus, Dorellus, Hotomanus, Corasius, Jacobus Godofredus, A. Faber Bachovius, Brunnemannus Ludvvellus, Riemerus, Arnoldus Vinnius, pluresque alii censuerunt. Nomina Auctorum in hanc vel illam sententiam propendentium tum Veterum tum Recentiorum vid. apud Jacobum Godofredum in Commentar. Cod. Theodos. ad hanc L. & Arn. Vinn. L. 2. Sel. Qv. C. 32. Paul. Christianæ. Pract. Qvæst. Vol. 4. dec. 192. n. 33. & seq. Brunnem. ad L. 8. C. de Rev. donat. Finkelthus. Obs. Pract. 36.

§. II.

Operæ premium fuerit, argumenta, quibus utriusque sententiæ Patroni nituntur, in medium producere.

Ac

Ac necum turba nobis res sit, ex Arnaldo Vinnio imprimis, & Jacobo Godofredo, causam hanc instruemus, quorum iste aliorum Rationes compilavit, hic ab aliis inventas suo etiam ingenio auxit.

§. III.

Sic igitur, qui ad Omnes aeqve Donatores Beneficium L. Si unquam. porrigunt, differunt. Cum genuina Ratio, quare Donatoribus, qui liberis Orbi donarunt, si postea liberos susceperint, potestas donata revocandi concedatur, nulla alia sit, quam, quod non sit verisimile, eos, quum donant, si de liberis adhuc suscipiendis cogitassent, facultates suas in extraneos potius, quam liberos, quos cuique Patri natura carissimos efficit, erogatuos fuisse; *arg. l. 102. ff. de Cond. t. ad demonstr. l. 6. vers. cum autem C. de Inst. & subst. l. 30. C. de Fideic. & adeo æquitas suadeat, ut a Legislatore, quod Donator non expresfit, suppleatur; haec autem Ratio in quoscunque, Donatores conveniat, par sane est, ob eandem Rationem idem Jus, quod Donatori Patrono dicitur, Donatori cuivis extraneo dici, ac potestatem revocandi donata, natis ei postea liberis fieri. Quo pertinent illa pervulgata: Ubi eadem ratio, ibi idem quoque jus statui par est. Ubi est eadem ratio, ibi non tam est extensio Legis, quam proprius intellectus. Huc accedit, quod quæ faciunt ad Contingentiam Casus repraesentandam, non continuo ad decidendum eum aliquid momenti afferant. Nec enim quenquam fugit, plerasque, Leges Codicis ad Facti *επιτάσεις* restrictas & accommodatas esse, cum rescripta ad consulentium propositas Quaestiones contineant. In quibus, si quis ad verba potius quam*

ad Mentem Rescribentis Imperatoris respiciat, eum magnopere labi ac errare necesse sit, cum se occasione has leges ad alia Facta, in quibus raro eadem *περὶ αὐτοῦ* personarum, loci ac temporis occurrunt, accommodandi privatum deprehendat. Et quis quæso dubitabit imperatorem de Patrono donatore interrogatum, aliter ac fecit, si de alio quocunque donatore interrogatus fuisset, respondurum fuisse. Est enim donator extraneus, qui post donationem liberos suscipit, aeqve, Pater atqve Patronus, & adeo paterno erga liberos affectu praeditus. Quod si itaqve, Legislator ductus conjectura pietatis, quæ Patres erga liberos feruntur, admisit, ut donationi absolute ac purae ex fictione hæc conditio inesset, perinde ac si nominatim Donator Patronus adjecisset donationi, ut si postea susciperet liberos, nollet donatum, & donatarius libertus rem donatam sub lege restitutionis in eum casum accepisset; Quare non idem jus in aliis donatoribus & donatariis, pari pietatis conjectura, quæ omnes suis liberis melius esse malle intelliguntur quam aliis, ubiqve, militante, admissum esse dicemus? Verum equidem est, in liberto hoc majorem rationem esse, quam obrem, natis patrono liberis, jacturam rei donatae æquo animo ferre debeat, quo majori beneficio eoqve omnium maximo, libertatis nempe affectus fuit, at propterea nec alius quivis donatarius summae potestati, quæ, quo minus in eventum, quo liberi donatori postea nati fuerint, irrevocabiliter res donatas acquireret, Lege lata antevertit, jure succensere potest. Generalia namque illa Juris scita: Quod semel placuit pure & absolute, amplius displicere non debet. Item, Perfectum duorum consensu negotium, unius voluntate retractari non potest. Similiter & hoc: *Qui*
libet

libet de se quæri debet, quod legem rei suæ non dixerit tempestive, & beneficio suo modum, quem voluit, non imposuerit tum, cum res ac tempus id admittebant; nunquam potestati legislatoris obicem ponere possunt, quo minus ex evidenti æquitate, ea temperare queat, aliisque Legibus eorum generalitatem, ne forte publice privatumque noxia sint, circumscribere. Neque vero, cum hoc facit Legislator, jus singulare & exorbitans, quod non sit extra hypothesein & circumstantias personarum, de quibus Lex loquitur, trahendum, introduxisse recte dicitur, quum illae ipsae exceptiones, quibus subinde regulæ juris temperantur, aequè partem juris communis, ac ipsae regulæ constituent. Sic enim vere dicimus: Perfectæ donationes pure absoluteque, factæ altero invito revocari non possunt; estque, hæc regula certo jure civili comprobata. Et nihilominus tamen, quando Donatarius pro beneficio gravem donatori injuriam rependit, eodem jure communi rebus donatis recte exiuitur. Præterea vero non satis valida ratio est, cur in liberto saltem Donatario beneficium L. si unquam. Obtinere existimandum sit, quia is inæstinabile beneficium libertatis a Patrono accepit. Quod si enim hæc donatarii qualitas locum tantum revocationi rei Donatæ facit, nulla satis idonea ratio dati potest, quare non eadem potestas revocandi donatori Patrono, qui liberos, cum donaret, habebat, concederetur, quæ concessa est ei, qui liberos non habens donaverat. Forte autem Lex gratitudinis magis devincit liberum ad reddendum, quod accepit donatum, quam extraneum. Verum quia Lex illa Moralis est & honestate tantum pudoreque, donatarii continetur, non potest ea efficere, ut donatio idcirco per Patronum revo-

cari possit, cui cum liberto aeqve juris Civilis communio est, quam alii donatori cum quolibet extraneo donatario.

§. IV.

E diverso, qui L. unquam. Uti de libertis & Patrono loquitur, ita nec beneficium revocandi donationem ea Lege tributum extra has personas producendum existimant, ad hunc fere modum causam, quam ad amarunt, tuentur: Pervulgatum est, constitutiones novas & ab antiquo ac communi jure dissentientes ad similes casus porrigi haud oportere, & quae ad certas personarum qualitates adstrictae sunt, ad alias personas, non esse extendendas. Cum igitur L. si unquam. Libertorum ac Patroni tantum mentionem faciat, & a jure communi, secundum quod donationis absolutae ac purae ea indoles est, ut rem donatam nullo pacto ad se reverti donator velit, (a) recedat, consentaneum rectae interpretationis regulis non est, Privilegium singulare ad Patronum & liberos restrictum ultra suos limites proferre. Praesertim cum donationes quae utriusque, consensu constant & perficiuntur (b) tacitam conditionem ex unius donatoris voluntate toto jure non admittant. (c) Et quæ quæso, ut conventio, quæ nullo modo expressa est, pro expressa habeatur, per interpretationem fieri potest? Cum quae meri facti sunt, interpretando suppleri non possint. (d) Non deesset forte Color aliquis

(a) L. I. §. I. ff. l. 17. C. de Donat. l. 5. C. de rev. donat.

(b) L. 6. & 7. C. de cond. ob caus.

(c) l. 4. C. D. donat. quæ sub mod.

(d) t. t. Cod. ut quæ def. Adv. part. jud. suppl.

quis Affirmantium sententiae, si ad libellum cujusdam
 Patroni rescriptisset Imperator, tum enim jus istud ex
 similitudine rationis ad quasvis personas non inepte tra-
 duci potuisset. Nunc quod ad Praefectum Praetorio in
 forma Edicti perpetui quoad omnes in universum Pa-
 tronos & libertos ad hunc modum: *Si unquam libertis*
Patronus &c. Imperatores direxere, aut ut Jacobo Go-
 dofredo placet, Imperator Constantius ad Praefectum
 Urbi, qui cognitor esse solebat inter Patronos & libertos,
 (e) rescriptit, id neutiquam ad alias personas, de quibus
 Lex nominatim non cavet, transferri debet. Quod si
 Legislator ad omnes promiscue donatores & donata-
 rios Beneficium hujus Legis pertinere voluisset, in
 promptu fuerat, generaliter ita edicere: Si unquam quis-
 quam cuiquam &c. Id quod Inprimis tum eum factu-
 rum fuisse credibile est, ubi de causis revocandae dona-
 tionis (f) ex instituto egit. Singula porro verba legis
 ponderanda sunt, & illa: ut Donator sit Patronus; Do-
 natarius, libertus; ut Donator liberos non habeat, cum
 donat; ut dandi causa donatio seu liberalitatis & Muni-
 ficentiae declaratio sit; ut donet vel omnia bona vel par-
 tem facultatum; tanquam totidem conditiones, ex qui-
 bus Jus revocandi res donatas oritur, consideranda.
 Quae cum ita sint, quod sub certa conditione personae da-
 tum, ei sub contraria ademtum censeretur par est. (g) Acce-
 dit quod nulla iusta causa revocandi donationem omnibus
 numeris perfectam, neque in Donatore, cui propositum
 in mente retentum, aut forte ne cogitatum quidem tum
 cum donaret, nihil prodesse potest (b) nec in donatario,

(e) l. 1. §. 2. ff. de Praef. Urb.

(f) t. t. C. de inoffic. donat. t. t. de Revoc. donat.

(g) l. 40. §. 2. ff. D. Condit. & demonstr.

(b) l. 7. C. D. Condict. ob caus.

qui in nulla re peccavit, neque in liberis postea natis, quia hi facto donatoris nati sunt, reperiatur. Ut adeo, ubi verbum legis clara & aperta sunt, eaque, ad certas nominatim personas restricta, sensum minime absurdum habent, merito iis in haerendum sit. Inter cetera autem argumenta hoc praecipuum est, quod Ratio hujus constitutionis in peculiari Patroni & liberti inter se ~~etiam~~ vertitur. Multa namque circa Patronum & libertum singularia occurrunt, quae in aliis personis ostendi nequeunt. Notum est, quam amplum sit Jus Patronatus, ex quo Patroni a libertis obsequia, operae alimenta, Ministerium, successiones in certis casibus debentur. (i) Et haec sane omnia Patronus suo jure ob summum libertatis beneficium, quo libertum mancipavit, exigir. Quid igitur mirum, si Legislator donationem puram & absolutam in libertum collatam, pro potestate, qua valet, Actus sociales, ne pro habitu circumstantiarum aliquid iniqui habeant, explicare, ita interpretetur, ac si donator nominatim facultatem res donatas, natis sibi postea liberis, revocandi reservasset, & libertus eadem Lege & conditione accepisset. Quae omnia aliter in aliis Donatoribus & Donariis se habent, in his nulla obligatione, quam quae ad gratum animum declarandum pertinet, remanente, quae imperfecta valde est, nec jus agendi efficax tribuit.

§. V.

Quod si quis nunc ex nobis sciscitetur, utram ErgoL. si unquam. Sententiam veram existimemus, illamne,

(i) t. t. ff. de Obseq. praest. t. t. ff. Oper. libert. l. 6. §. 1. D. de Lib. agn. G. J. A. A. ()

Iam ne, quae Jus revocandi omnibus, qui liberos non habentes donarunt, concedit, an quae id Patronis tantum tribuit; ingenue fatebimur, nos id nescire, addemusque, idem omnes, quotquot sunt homines, juxta cum ignarissimis, ignorare. Multum profecto refert, ad Mentem Legislatoris explicandam, quo modo eum in condenda Lege progressum esse, animo concipiamus. Itaque, ut an assequi Mentem ejus valeamus, experiamur, primo quidem sic animum ad cogitandum instituisse, fingamus:

Non est vero simile, eos, qui liberos non habentes donant, (nam, qui, cum liberos habeant, id faciunt, sat evidenter declarant, se liberorum contemplatione, quo minus Donent, non prohiberi;) si de liberis aliquando suscipiendis cogitassent, donaturos fuisse. Neque, enim amor affectusque a natura hominibus erga liberos insitus sinit, ut quis malit extraneum, quam propriam sobolem bonorum suorum compotem fieri. Quod si qui igitur, aut quod non cogitant, se liberos posthac suscepturos, aut quod, quia adhuc non habuerunt, se in posterum habituros esse desperant, donatione bona sua aut eorum partem

B

tem

tem pure & simpliciter elargiuntur, id perinde ac si eam Legem Donationi dixissent, ut, si postea liberos suscepissent, donatum redderetur, accipi aequissimum est. Constat quidem salis, negotium, in quo voluntas ab uno pure declarata, & ab altero accepta est, hoc invito retractari non posse, & conditionem, quam quis in mente retinuit, aut de qua forte ne cogitabit. quidem, non admitti; Verum utut in potestate privatorum id non sit positum, a munere tamen Legislatoris non est alienum, ubi id evidens aequitas poscit, conventionem inducere, ubi nulla intercescit, & ex conventionem ista ex aequitate inducta, alterum perinde ad restituendum obligare, ac si unus conditionem de revocando facto suo in certum eventum nominatim adjecisset, alter vero in istam conditionem summa sua voluntate consensisset. Ac inprimis conventio hujusmodi in eo negotio admitti potest, in quo, qui fingitur conditionem accepisse, aut nullo aut non magno

gno incommodo afficitur. Id quod in Donatione accidit; in qua, qui, susceptis postea Donatorio liberis, reddere cogitur, quod accepit, non tam vere suum Patrimonium diminnit, quam lucrum non facit. Quae cum ita sint, pro Patrono, qui in facto liberto donasse proponitur, pronuntiare hoc minus dubitemus, eum nulla ratio sit, cur, quod in aliis Donatoribus aequitas recipiendum esse suadet, id Patrono denegetur, qui non tantum summum Beneficium Libertatis in libertum contulit, verum etiam hunc ad honorem exhibendum & alendum tum se tum liberos suos inopia pressos obstrictum habet, ut adeo eum, qui natis post donationem donatori liberis restituere res donatas tenetur, jacturam rei aestimabilis, pro re inaeestimabili aequo animo ferre jus fasque sit. Igitur quod aequum est, ac decet, tum in aliis, tum in specie poposita ad necessitatem Juris transferatur, &.

Si unquam libertis Patronus filios non ha-

bens bona omnia vel partem aliquam facultatum fuerit donatione largitus, & postea fesseperit liberos, totum quicquid fuerat largitus, revertatur, in ejusdem donatoris arbitrio & ditione mansurum.

§. VI.

Rursus autem deliberando eum progressum esse ponamus ad hunc modum :

Cum certi exploratique juris sit, donationes semel consensu perfectas revocari non posse; (k) ac non sit iniquum, donatorem & cui suæ liberalitati ac munificentiae modum imponere, certa quæ sub lege & conditione res donatas in alium transferre liberum est, si id prætermisit facere, poenas desidii suæ ac imprudentiæ luere, sane nullo sub obtentu his regulis vis inferenda est, ac ne quidem tum, quando Paternum affectum quis prætexit, & ex eo propter liberos post donationem sibi natos infirmari donationem desiderat, quasi a se tacite hoc actum fuisset, ut si post donationem liberi nascerentur, reverteretur, quod fuerat donatum, cum non provisâ statûs præsentis conditione sapso, conjectura ex naturali amore erga liberos ducta merito sit

(k) l. 1. ff. de donat. l. 6. l. 7. C. de Cond. ob caus. l. 5. l. 6. C. de. Rev. donat.

succurrendum. Cur enim non cogitavit de eo, quod fieri potuit, & alias factum est? Cur donationem suam non certis limitibus, quod quilibet rei suae arbiter facere potest, circumscripsit? Imputet sane sibi, qui ita pure rem suam in alium contulit, & cum sciret, aut certe scire debuisset, quae facti sunt, in Conventionibus non suppleri, sed saltem respici ad id quod actum est, conditionem de revocanda donatione in casum literorum postea natorum non adjecit. Benignum quidem videtur, omissum per adjecto censi, tum ut Paterno affectui, tum ut liberorum postea natorum utilitati consulatur. Verum si sub quolibet aequitatis colore rescindenda fuerint negotia jure perfecta, nihil futurum est, in quo non aliqua aequitatis species se ostendat. (1) Durum quidem est Patrem re sua, e qualiberis de necessariis vitae praesidiis prospicere potuit, ob inconsultam liberalitatem carere teneri, durum quoque, ob imprudens Patris factum liberos omnibus vitae subsidiis exui, verum hanc apparentem iniquitatem utilitas publica facile rependit; publice namque interest, poenitentium inconstantiae non indulgeri, ac fidem, firmissimum societatis humanae vinculum, non labefactari, & quod semel omnimodo ratum perfectumque est, non retractari, praesertim cum in Bonis quaerendis Patrem libetis praejudicare posse ratio juris ad-

mittat, & praeterea liberis, ne prorsus bonorum paternorum sint expectes, contra inofficiosam Patris donationem aliunde sit prospectum. (m) Quamobrem merito regulis juris Ordinariis prudentissime constitutis inviolata sua constare debet auctoritas, ac decet Bonum Legislatorem cavere, ne fictionibus praeter necessitatem inductis, sub aequitatis Commento, validissime contracta negotia cum detrimento majoris partis Civium convellantur. Plane in Casu praesenti, quo donatio a Patrono liberto facta proponitur, ob multa singularia, quae hic concurrunt, & aequitatis temperamentum non tam postulant, quam jure quodam suo exigunt, aliud dicendum est. Quum enim Patronus libertum summum, quod potuit, pretium persolverit, ac e servo fecerit, ut sibi libertus esset; Quum ob id incomparabile beneficium libertus Patrono obsequium, operas, alimenta debeat, non potest recusare libertus, quo minus, quod ut merum lucrum ex Patroni effusa erga se liberalitate tenet, sicubi ei deinceps liberi nascantur, restituat. Igitur, cum hanc aequitatem complexus circumstantiarum non tam svadeat, quam exprimat, & quasi extorqueat, sic esto:

Si unquam libertis Patronus filios non habeas bona omnia, vel partem aliquam facultatum fuerit donatione largitus, & postea

(m) t. t. C. de inoff. donat.

postea suscepit liberos, totum quicquid fuerat largitus, revertatur, in ejusdem donatoris arbitrio & ditione mansurum.

§. VII.

Quemadmodum ex diversis his deliberandi formis diversae penitus sententiae efficiuntur, ita Alterutrum certe in Modum in L. si unquam. Condenda Legislatorem rationes subduxisse, partim ex nexu Rationum cum Constitutione ipsa, partim quia Consilio Prudentum adhibito Leges condere moris fuit, (n) omnino persuademur. Utro autem modo suscepta ac peracta deliberatio fuerit, cum Facti Quaestio sit, nemo expediet, nisi ipse Legislatur, aut Jctus, qui ejus Legis condendae ipsi auctor extitit. Quod cum fieri nequeat, utramque, sententiam aequae, probabilem esse, ac paribus Rationum momentis niti, evidens est, & nemo, ut rumpatur maxime, ac in aeternum divinando se torqueat, quae Mens Imperatoris fuerit, ad liquidum perducet. Quocirca nil causae erat, cur Jo. Corasius, Tholosanae Curiae Senator, cum in schola Juridica Academiae Tholosanae L. si unquam. Interpretaretur, atque, hanc sententiam defenderet, esse eam Legem particularem & specialiter ad Patronum & libertum pertinere, tandem, cum finita lectione cathedra defaurens esset, & plerique, Auditores, quorum ad minimum quater mille erant, jam surrexissent, ut abirent, haec verba usurparet:

At-

(n) l. 8. C. de Legib.

Attendite, ne vos fallam, senatus in contrarium censuit, me tamen fortiter reclamante. (o)
Vanus profecto Clamor Corasii, vanaque persuasio hominis sibi blandientis, ac si acu terigisset Legislatoris Mentem, quam, nisi intus in conclavi, cum haec Lex conderetur latuit, assequi non potuit.

§. VIII.

Quum igitur, incerta penitus sit, L. si unquam. Sententia, quid erit Consilii, ubi in iudicio sententia dicenda fuerit. Nam modo in hanc modo in illam propendere partem, gravem & constantem Virum haud decet, & foret exemplo perniciosum, nec suspicione corruptionis careret, si quis in Titii causa affirmantem, negantem in Caji desiderio sequi in animum induceret. At enim in ambiguis Legibus fluctuare necesse non est. Sed eam bono Viro interpretationem amplecti & constanter tenere convenit, quam, omnibus expensis, societati Civili magis congruere existimaverit. Sic, nisi ea interpretatio, quae L. si unquam. Beneficium commune omnibus Donatoribus facit, jam tum usufructui recepta esset, nostro quidem animo Quemcunque, Actorem a limine iudicii repellere non dubitarem, non quod arcano animi motu, quem nullum in nobis sentimus, veriore illam explicationem putemus, quae Jus revocandi donata ad Patronum & libertum coarctatur, sed quia ita fert natura nostra, ut omnibus rebus si-

dem

(o) Maynard. Lib. 4. decis. Tholosan. 12. cit. Finkelthuf. Obs.
Fr. 36, n. 27.

dem semel datam praeponamus, nec ullo aequitatis praetextu negotia jure perfecta rescindi patiamur.

§. IX.

Posteaquam vero ea L. si unquam. Interpretatio, qua facultas revocandi omnibus Donatoribus, qui Liberos non habentes donarunt, tribuitur, Usu Fori invaluit, non amplius potestatis nostrae est, in negantium castra transire. Ac licet plerumque Usus Forensis ja- & etnr verius, quam comprobetur, subactoque judicio & magna cautione opus sit, ne hic nimia credulitate im- pingamus, neve testium personas, eorumque testimo- nia, locum item ac tempus ceterasque *paris adis* insu- per habeamus; in hoc tamen argumento, in quo versa- mur, idoneis testibus ac testimoniis rem confectam, esse negari non potest. Huberto quidem Giphanio (p) Opinione, quam diximus, in tota Europa obtinere testanti non magis credimus; quam si idem de Ame- rica prodidisset. Credimus tamen (q) his, quos §. i. ad- duximus, & qui ab iis, magno numero laudantur.

§. X.

Ceterum L. si unquam. facultatem revocandi res donatas, eamque, in foro efficacem sine dubio tribuit, sive eam ad Patronum & libertum tantum, sive ad quoscunque donatores & donatarios pertinere statua-
C mus.

(p) in Comment. ad L. si unquam. in pr.

(q) Minfing. cent. 5. Obs. 63. Godofr. in Comm. God. Theodos. ad L. si unquam. C. de Rev. don. Vid. plu- res apud Finkelsth. Obs. 36. n. 17.

mus. Id enim verba Legis innuunt: Totum, quic-
 quid largitus fuerat, revertatur, in arbitrio & di-
 ctione ejus mansurum. Quo autem juris reme-
 dio illa revocandi concessa potestas in actum dedu-
 catur, nova rursus disquisitio est. Leges novas
 non praecise Jus ad rem, sed etiam Jus in re dare posse,
 cum Schiltero (r) non diffitemur. An dederit Impera-
 tor, de eo quaeritur. Ex conventionione Actionem in
 personam nasci, nemo ignorat. Si igitur Donationem
 hanc ita a Legislatore informatam esse supponimus, ac
 si Donator huic donationi eam legem dixisset, ut si post-
 ea liberi sibi nati essent, redderentur donata, in eamque
 legem donatarius consensisset, non alia, quam in perso-
 nam actio locum habere potest. Sin dicamus, conventio-
 nem hanc ex aequitate a Legislatore inductam, vim
 resolutivae conditionis habere, ac perinde hoc negotium
 aestimandum, quasi donatorem inter & donatarium
 ita convenisset, ut, si liberi post donationem nati essent
 donatori, irrita esset donatio, Actioni in rem locus erit.
 (s) Eadem Actio in rem competet, si in verbo: *Rever-*
tatur, & his quae sequuntur: in arbitrio ejus & ditione man-
surum multum praesidii ponatur. Eam namque horum
 verborum vim esse volunt, ut omne ministerium ac fa-
 ctum donatoris & donarii excludant, & dominium rei
 donatae a donatario ipso jure recedere opinentur. (t)

§. XII.

Utut vero multum intersit, utrum Actionem in
 rem an in personam ex hac L. competere existimemus,
 quan-

(r) Ex. ad Pand. l. 5. 6.

(s) arg. l. 2. ff. de in dictu addit.

(t) Donell. in Consuet. ad L. si unquam. n. 15.

quandoquidem illa contra quemcunque possessorem rei donatae, haec vero saltem contra donatarium datur, (u) nulla tamen neque ex hac L. neque ex ulla alia parte juris ratio solida produci potest, cur in illam partem quae pro Actione in rem facit, nos flecti patiamur. Qui enim indagari potest, an Legislator in donatione pure facta hanc conventionem, ut liberis postea Donatori natis, irrita esset donatio, per modum resolutivae conditionis suppleverit? Sane, nisi id actum specialiter sit, ut, si liberi postea nati essent, discederetur a donatione, dicendum est, conditione ista alio modo adjecta, aut ex legis potestate intellecta, actionem tantum in personam intentari posse. Et quis porro divinabit, Legislatore hanc conventionem intercesuisse finxerit verbis directis; quo tantum casu datur actio in rem; (x) an hoc modo, ut si postea nascantur liberi, res donata ad donatorem revertatur; quo casu, quia verbum obliquum est, rei vindicatio non dabitur. (y) Porro autem nimis dilutum est, quod quidam iique Principes Theoricorum (z) in verbo: *Revertatur* tantum momenti esse asserunt, ut eo & Dominium ad Donatorem ipso jure citra factum donatarii rediisse & Actionem in rem donatori concedi arbitrentur. Nos tantum Mysterii in hoc verbo latere haud existimamus. Nam & falsum est, hanc propriam esse verbi: *Revertatur* significationem, ut redditum Domini omni facto humano secluso, denotet, et, si esset, non

C 2

ta-

(u) l. 25. ff. de Obl. & act.

(x) l. 3. C. de Pact. inter Emt. & vend. Wissenb. disp. 34. th. 17. Struv. Ex. 23. th. 36.

(z) Donell. ad l. si unquam n. 15. Zæf. de donat. 137.

(y) arg. l. 3. C. de Pact. int. Emt. & Vend. & ibi Wissenb. & Struv. cit. l. q.

tamen ex verborum cortice, sed ex re subjecta de genere actionis statuendum foret, quod, si ponamus subesse huic negotio conventionem a Legislatore inductam & purae donationi additam, non potest aliud esse, quam in Personam actio.

§. XII.

Sed quid de usu forensi statuemus, an ex hoc saltem Actio in rem obtineri possit? Hic excutienda essent Praecipua Germaniae Tribunalia, & nunquid ab illis admissa Actio in rem fuerit, & secundum eam constanter judicatum in casu, quo donator liberis supervenientibus res donatas revocare aggressus est, inquirendum. At nos in hac re Historia Praejudiciorum ab idoneis Auctoribus, qui rebus judicandis interfuerunt, collecta plane destituit. Testimoniis vero Ddorum, qui vel suas vel aliorum opiniones in usum ac Praxin evasisse affirmant, nihil prorsus fidei tribuimus, non ignari, commutatis personis, & temporibus, sententias, quas pro receptis venditant, brevi temporis spatio interciderere, mox reviviscere, & rursus intermori. Ut ad eo, paucis exceptis, nulli circa ambiguas Leges sententiae tanquam indubitato receptae tuto liceat confidere, sed quid in Praxi, mox in aliam, ut Proteus facere solitus, se versura faciem, obtineat, unice propemodum ex Majoris partis suffragiis eorum, qui in judiciis aut Dicasteriis sententias dicunt, pendeat.

§. XIII.

Tandem visum fuit faciendum, ut Quaestiones nonnullas ad illustrandam L. si unquam facientes, quarum

rum quaedam auctoritate rerum judicatarum nituntur, additis breviter decidendi Rationibus, subjungeremus.

Quaest. I.

An revocationi locus ob liberos naturales postea Donatori natos?

A. **P**Aternus enim amor & affectus in hos aeqve atqve in Liberos legitimos cadit, & eadem praesumptio pro hoc Patre, si de liberis naturalibus suscipiendis cogitasset, cum donatorum non fuisse, capi potest. Nec putandum, Legem pro hujusmodi patre donatore conjecturam pietatis capere dedignari; cum Concubinatus permilla jure conjunctio sit, & per Leges

nomen assumerit. Dissent. zoel.
ad tit. ff. de Donat. n. III. Moribus
fane hodiernis, secundum quos
omnis extra Matrimonium con-
cubitus interdictus est, Hopp.
ad §. fin. i. de Nupt. sententia
Zoelsii vera est.

Qvaest. II.

*An Beneficium L, si unquam,
ad Donatorem, cujus liberi naturales postea
nati per Rescriptum Principis legitimi
effecti, pertinet?*

A. **Q**Uod si n. propter liberos
naturales datur, multo ma-
gis propter eos, qui in condi-
tionem Legitimorum evecti
sunt, dabitur. Idem benefi-
cium Moribus hodiernis donato-
ri, cujus liberi naturales rescri-
pto

Opto Principis legitimi effecti,
non denegandum. Cur enim,
quod Patri propter liberos per
subsequens matrimonium legi-
timatos conceditur, ei, quem
Princens legitimum agnoscit
Patrem, non tribuatur? Quiper
matrimonium cum concubina
contractum iusti Patres fiunt,
aeque id Principi acceptum fe-
runt, quam qui sine interjecto
medio a Principe honorantur.
Praeterea Princeps suo jure u-
tens nemini injuriam facit, & in-
juria supponit Jus alicujus lae-
sum, quod cum in Donatario,
quamdiu Donator liberos ha-
bere potest, perpetuum ac stabi-
le non sit, nec laedi potuit a
Principe, qui, quos natura libe-
ros

ros agnoscit, ut jure quoque,
tales essent, effecit. Nec ad rem
facit, quod donationem rite
perfectam autoritate Principalis
rescripti non oporteat rescindi
l. 5. C. de Rev. donat. Hoc nam-
que, non de eo rescripto intelli-
gendum, quo Princeps juris com-
munis beneficia omnibus pro-
posita dispensat, verum de illo,
quod contra jus assiduus & non
raro importunis precibus eli-
citur. Dissent. Zoel. d. l. n. 112.
Plane, cum hodie Spurius non
minus, quam naturales liberi per
rescriptum Principis legitimen-
tur, si quis Patrem se ferat hujus-
modi filius, qui ex foemina, quae
passim corpus vulgat, susceptus
est, huic non indulgendum, ut
ob-

obtentu filii legitimati donationem revocare ex L. si unquam possit. Neque enim de eo dici potest, quod Pater sit ejus, qui ex incerto Patre natus est.

Qvaest. III.

Quid si docere Donatarius possit, Donatorem tempore donationis cogitasse (forte quod obiter injecta mentio liberorum post hac suscipiendorum;) nascit uros sibi liberos, an erit Revocationi locus?

N. **D**Onator enim talis liberalitati suae nullam dicendo legem satis declarat, propriam sobolem tam curae cordique sibi non esse, ut eam extra
D tra-

traneo praelatam velit. Cessat
itaque praesumptio, eum si de
liberis cogitasset, non dona-
turum fuisse, cum donatorem
de his cogitasse constet. Zoef. ad
tit. ff. de Donat. n. 106. & seq.
Hillig. ad Donel. lib. 14. Cap. 21.
lit. B.

Qvaest. IV.

*An Beneficium L. si unquam,
obtinet, quando res multo minoris quam ju-
sto pretio vendita, perinde ac si quod infra ju-
stum pretium est, pro donato censeri de-
beat, ob natos postea Venditori
liberos?*

N. **A**nimus n. & Mens contra-
hentium distingvit negotia.
Animo itaque donandi defici-
en-

ente, Venditori non succurritur. Conf. Hill. ad Don. d. l. lit. E.

Qvaest. V.

An & liberi donatoris hoc defuncto revocabunt res donatas?

A. **Q**Via actio sive in rem sive in personam semel quaesita Patri, inter bona defuncti connumeratur, & ita ad liberos, qua heredes, cum ceteris Juribus transit. Neque revocationi huic impedimento est, quod Pater vivus voluntatem de revocando non declaraverit, & ita, dum non repetiit, in pristina voluntate perseverasse debeat existimari. Satis enim est,

D 2 quod

quod non renuntiaverit diserte
Juri ex momento natorum sibi
post donationem liberorum
quaesito. Et in hanc sententiam
judicatum in Curia Paris. Cha-
rondas in Resp. lib. 9. c. 19. l. 2.
Pand. c. 2. in Tholosana, May-
nardus l. 6. Dec. c. 59. referunt.

Qvaest. VI.

*Quid si donatarius rebus dona-
tis onus hypothecae imposuerit, an natis postea
donatori liberis, qui revocat agnoscere
onus tenetur?*

N. **C**reditores enim Donatarii
injurii in Donatorem, quem
suscipere dehinc liberos posse
putant, non sunt. Hinc sibi im-
putent, quod in ea re hypothe-
cam

cam constitui sibi passi sunt,
quam in certum eventum revo-
cationi obnoxiam esse scive-
runt. Secus se res habet, quan-
do ob ingratitudinem res do-
natae revocantur. In hoc nam-
que casu hypothecam a Dona-
tario impositam, quo minus a-
gnoscat donator revocans re-
culare non potest. In nulla e-
nim re peccavit Creditor, qui
Donatarium, a quo constituta
hypoteca fuit, ingratum ali-
quando fore non suspicatus est,
quod citra injuriam de ipso
suspicari nec potuit, nec debu-
it. arg. l. 31. ff. de Pign. & Hy-
poth. Ita judicatum in Curia
Tholosana. Maynard. lib. 7. Dec.
c. 60.

Qvaest. VII.

*An Donatio in Pactis dotali-
bus facta ob natos postea liberos revo-
cari potest?*

N. **Q**Via Donator ducendo uxo-
rem non potest non de li-
beris suscipiendis cogitasse exi-
stimari. Pii namque Parentes li-
berorum procreandorum ani-
mo & voto uxores ducunt. l.
220. ff. de V. S. Ita judicatum re-
fert Bonvot in Arrest. p. 3. verbo:
donation. n. 7. & tom. 2. verbo:
Mariage qv. 89.

Qvaest. IIX.

*An Donatio Remuneratoria ob
natos postea liberos revocari potest?*

Pro-

A. **P**Ronunciatur equidem Do-
natio, si quis aliquem a
latrunculis aut hostibus eri-
puit, irrevocabilis, & ratio ad-
ditur, quia non donatio sed
merces eximii laboris appellan-
da est, quod contemplatione sa-
lutis certo modo aestimari non
placuit. l. 34. §. i. ff. de Donat. Et
porro non meram esse Donatio-
nem proditum est, quando A-
quilius Regulus Juvenis Nico-
strato Magistro, quod se elo-
quentia & diligentia meliorem
fecisset, donaverat. l. 27. ff. eod.
Atque, in hanc sententiam et-
iam judicatum in Curia Burde-
galensi Maynardus l. 9. c. 8. te-

de Rev. Donat. officiunt. Conje-
ctura namque pietatis etiam pro
eo, qui remunerandi causa do-
nat, & postea liberos suscipit, mi-
litat, neque credibile est, si de li-
beris cogitasset, donaturum fu-
isse. Praeterea etiam Remune-
ratoria donatio vera donatio est,
quia nullo jure efficaciter ur-
gente ac cogente donans libe-
ralitatem exercet. Fachin. 1. 3.
Controv. 89.

Qvaeſt. IX.

*An renuntiari Beneficio ex L.
ſi unquam. C. de Rev. Don. compe-
tenti poteſt?*

A. **Q**uia quilibet in jure quae-
rendo praejudicium suae
soboli

soboli creare, beneficioque in
sui favorem introducto cedere
potest. Porro autem, qui renun-
tiat Beneficio ex L. si unquam.
competenti, cogitat, sibi posse li-
beros postea nasci. Ad hunc
vero Beneficium Legis non per-
tinet. Ceterum Donatario haec
cautio non negligenda, ut si ju-
risjurandi religione Donatorem
sibi obstringi cupiat, iusjuran-
dum non donationi, sed renun-
tiationi adjici curet. Zoes. ad tit.
ff. de Donat. n. 110. Brunneman
ad L. 8. C. de Rev. donat. Ali-
ter tamen judicatum in Curia
Paris. Charondas l. 2. Pand. c. 21.
& in Resp. l. 9. c. 19. in Curia Tho-

runt nempe, quibus in his Curi-
is jus dicendae sententiae fuit,
Constitutionem L. si unquam. In
favorem etiam liberorum po-
stea natorum editam. Minus re-
cte. Lex enim consulit Dona-
toris affectui & amori erga libe-
ros, non liberis, nisi quatenus per
Patrem donatorem etiam ad ip-
sos res donatae rediturae sunt,
quam tamen spem Pater de re-
vocatis rebus pro arbitrio statu-
endo ipsis intervertere jure suo
potest. Donell. ad L. 8 C. de
Rev. donat. n. 17. & 20.

Quaest. X.

*An & Fructus interea a Do-
natio percepti restituendi sunt?*

Quaestionis decisio pendet ex modo
& forma, qua conventionem, quam
Legis-

Legislator in donatione, qua de agitur,
supplet, intercesuisse verosimile est. Quod
si enim ponamus, Latorem Donationem
hanc ita formasse, ac si ea lege facta
esset, ut natis postea Donatori liberis, ir-
rita foret Donatio, vel ab ea discedatur,
vel rei donatae Dominium ad Donatorem
pertineat, fructus interea percepti a Do-
natario restituendi erunt. Perinde enim
est existente conditione, ac si ab initio nul-
la donatio intervenisset, & res non abjisset
e dominio Donatoris arg. l. 1. & 2. l. 4. §. 4. l.
6. ff. de in diem addict. l. 1. l. 4. C. de Pact. inter
Eunt. & vend. Aliter se res habet, quando ita
conceptam esse conventionem Donationi
additam fingimus, ut, si Donatori postea li-
beri nati essent, res donata ad Donatorem
revertatur. Sic enim res donata non ipso
jure redit ad Donatorem, sed in Donata-
rio tantum ponitur obligatio ad restitu-

quod dominium interim apud donatarium fuit,
bo & qui adeo fructus e re sua ante con-
-on dictionem propositam perceptos irrevoc-
-ibi cabiliter suos facit. Quandoquidem ve-
-it ro dubium est, quo modo LLatori con-
-p conventionem Donationi additam infor-
-m mare placuerit, quid in re dubia se-
-c quendum sit, e re est exponere. Nempe
-m in re ambigua id servandum, quod ius re-
-g ulariter constituit. Regulariter autem
-id id agi videtur inter partes, & ab eo, quod
-d actum inter partes videtur, ita ius con-
-t constituit, ut res nostra ad alium sine facto
-t nostro non transeat, rerumque dominia
-t traditionibus, non ipso jure, & citra alte-
-t rius factum transferri intelligatur. l. 20. C.
-m de Pact. Ex quo efficitur, conventionem
-o ad hunc modum Donationi insertam fu-
-i sse existimari debere; ut res donata, natis
-i postea Donatori liberis ad Donatorem re-
-b verteretur. Quae conventio actionem so-
-m lum in personam parit, qua res donatae
-m tantum, non item fructus, quos donata-
-b

E

ri

rius ex re non aliena sed sua percepit, re-
vocantur. arg. d. l. 3. C. de Pact. inter Emt
& vend. Sed quid juris erit, sicum Glossa,
multisque Ddribus, qui eam sequuntur,
ex *L. si unquam*. verbis: *revertatur, in ar-*
bitrio ejus & ditione mansurum; acti-
onem in Rem nasci opinemur? an &
tum fructus interea a Donatario percepti
erunt restituendi? & ex quo tempore? fa-
ctæ donationis? an nativitatis liberorum?
an intentatae Actionis? Non dubitamus af-
firmare, Donatarium fructus, quos ex tem-
pore factæ Donationis percepit, restituere
teneri. Expeditum namque est, fructus rem
avocatam a possessore sequi, & quando
donatio deducitur ad non causam, habetur-
que quasi ab initio non facta, rem cum o-
mni sua causa reverti. arg. l. 16. ff. de inoff.
testam. Ut adeo fructus non ex re do-
natarii sed Donatoris nati videantur, do-

cenfeti debeat. Accedit, quod quando donatio in Eventum certae conditionis fufpenfa eft, conditione deficiente Dominium proprie non tam ad Donatorem reuerfum quam potius nunquam ab eo abiiffe dici poteft. Et igitur Donator jure domini, in hac Donatione condicionali femper retenti, fructus medii temporis recte petit. Poftremo, licet donatarius non tantum bona fide, verum etiam jure proprietatis fructus ex re donata perceperit, id tamen dominium fub certo tantum eventu, ut nempe, natis donatori liberis, refolveretur, penes eum collocatum & adeo revocabile fuit, cujus ea indoles eft, ut conditione exiftente negotium retro agatur, ac ad non caufam deducatur, & fructus ex tempore donationis factae tanquam ex re aliena poffeffa percepti reftituendi veniant. arg. l. 1. 2. 4. §. 4. & l. 6. ff. de in diem addict. l. 4. ff.

de Rei vind.

